

四庫

全書

四庫全書

全書

第九〇九冊

四庫全書

●上海古籍出版社

本冊目次

冊 府 元 龜 (八)

宋 王欽若等奉敕撰……一

欽定四庫全書

子部
冊府元龜卷三百九十七

詳校官中書臣羅錦森

侍讀臣孫球覆勘

總校官庶吉士臣何思鈞

校對官中書臣范 蘇

校對官中書臣王彞憲

謄錄監生臣孫鶴年

謄錄監生臣姚希慶

欽定四庫全書

冊府元龜卷三百九十七

宋 王欽若等撰

將帥部

懷撫

傳教招撫之訓書紀宋遠之說斯懷撫之謂矣其奉辭
為將授命致討總戎作鎮守邊固固而能推以恩信布
之仁惠招輯流散收恤孤弱經懷新附撫柔異類俾鄰
邦敵境安之如椒蘭外夷焚香歸之如父母用能固守

欽定四庫全書

冊府元龜
卷三百九十七

疆場謐清障塞成勞來安定之績致和平富庶之美詩
曰民之攸暨又曰懷我好音自非誠心內著德聲外暢
亦何以致其感悅哉

漢段會宗再為西域都護會宗既出諸國遣子弟郊迎

小昆彌安日前為會宗所立德之

懷會宗之
恩德也

欲往謁諸

翎侯止不聽遂至龜茲諸城郭甚親附

謂城郭
諸國

後漢鄧禹為前將軍建武初光武分麾下精兵一萬人

使鄧禹西入關時赤眉入長安三輔連覆敗赤眉所過

殘賊百姓不知所歸聞禹棄勝獨克而師行有紀皆望風相攜負以迎軍降者日以千數衆號百萬禹所止輒停車駐節以勞來之父老童穉垂髮戴白滿其軍下莫不感悅於是名震闔西帝嘉之數賜書褒美

祭彤為遼東太守使招呼鮮卑示以財利其大都護偏

何鮮卑名也遣使奉獻願得歸化彤慰納賞賜稍復親附其

異種滿離高句驪之屬遂駱驛欽塞彤為人質厚重毅

撫夷狄以恩皆畏而愛之故得其死力

欽定四庫全書

魏書卷九十七

二

鄧訓章帝時為謁者會上谷太守任興欲誅赤沙烏桓

恐恨謀反詔訓將黎陽營兵屯狐奴以防其變漢官儀曰漢興

以幽冀并州兵克定天下政於黎陽立校尉張紆誘誅燒

營以謁者監之狐奴縣屬漁陽郡也

當種羌迷吾等緣是諸羌大怒謀欲報怨朝廷憂之公

卿舉鄧訓代紆為校尉諸羌激忿遂相與解仇結婚交

質盟詎衆四萬餘人期冰合渡河攻訓先是小月氏胡

分居塞內勝兵者二三千騎皆勇健富彊每與戎戰常

首施猶首鼠也

漢亦時收其用時迷吾

子迷唐別與武威種羌合兵萬騎來至塞下未敢攻訓

先欲脅月氏胡擁衛稽故稽故謂稽留事故令不得戰

議者咸以羌胡相攻縣官之利以夷伐夷不宜禁護訓

曰不然今張紆失信衆羌大動經常屯兵不下二萬轉

運之費空竭府帑涼州吏人命縣絲髮原諸胡所以難得

意者皆思信不厚耳今因其迫急以德懷之庶能有用

遂令開城及所居園門悉驅羣胡妻子內之嚴兵守衛

羗掠無所得又不敢逼諸胡因即解去由是湟中諸胡

欽定四庫全書

魏書卷九十七

三

皆言漢家常欲聞我曹今鄧使君待我以恩信開門內我

妻子乃得父母咸歡喜叩頭曰唯使君所命訓遂撫養

其中少年勇者數百人以為義從

竇憲為車騎將軍和帝永元元年出鷄鹿塞遣軍司馬

吳汜梁諷奉金帛遣北單于宣明國威而兵隨其後時

虜中乖亂汜諷所到輒招降之前後萬餘人遂及單于

於西海上宣國威信致以詔賜單于稽首拜受諷因說

宜修呼韓邪故事保國安人之福言依附漢家自保護其國也宣帝時呼韓

郭單于致書朝于甘泉宮時留居光祿署下有急候漢受降城單于喜悅即將其衆與

諷俱還到私渠海聞漢軍已入塞乃遣弟右溫禺靬王奉貢入侍隨諷詣闕憲以單于不自身致奏還其侍弟明年單于復遣車詣儲王等款居延塞欲入朝見願請大使實憲上遣大將軍護軍班固行中郎將與司馬梁諷迎之會北單于為南匈奴所破被創遁走固至私渠海而還

陳禪左轉玄菟候城障尉會北匈奴入遼東追拜遼東

欽定四庫全書

通鑑九卷
卷三百九十七

四

太守胡憚其威疆退還數百里禪不加兵但使吏卒往曉慰之單于隨降還郡禪於學行禮為說道義感化之單于懷服遺以胡中珍物而去

種暲為尚書會匈奴寇并涼二州桓帝以為度遼將軍嵩到營所先宣恩信誘降諸胡羌虜先時有生見獲質於郡縣者悉遣還之誠心懷撫信賞分明由是羌胡邇茲莎車烏孫等皆來順服

劉虞為幽州刺史民夷感其德化自鮮卑烏桓扶餘穢

貊之輩皆隨時朝貢無敢擾邊者後前中山相張純等

與烏桓大人共連盟攻薊下復以虞為幽州牧虞到薊罷省屯兵務廣恩信遣使告烏桓峭王等以朝恩寬弘開許善路又設賞購純等純走出塞餘皆降散

魏蘇則為金城太守是時喪亂之後吏民流散饑窮戶口損耗則撫循之甚謹外招懷羌胡得其牛羊以養貧老與民分糧而食旬日之間流民皆歸得數千家

母丘興為武威太守內撫吏民外懷羌胡卒使柔附及

欽定四庫全書

通鑑九卷
卷三百九十七

五

羣雜胡棄惡詣興與皆安郵使盡力曰

牽招為使持節護鮮卑校尉屯昌平是時邊民流散山澤又亡叛在鮮卑中者處有千數招廣布恩信招誘降附建義中即將公孫集等率將部曲咸各歸命使還本郡又懷來鮮卑素利彌加等十餘萬落令皆款塞

吳孫歆為鎮北將軍為邊將數十年青徐汝沛頗來歸附淮南濱江屯候皆徹兵遠徙徐泗江淮之地不居者

各數百里

陸遜為大將軍大帝嘉禾五年北征遜遣將軍周峻張梁等擊江夏新市安陸石陽石陽盛峻等奄至人皆捐物入城城門喧不得闕其所生獲皆加營護不令兵士干擾侵侮將家屬來者使就料視若亡其妻子者即給衣糧厚加慰勞發遣令還或有感慕相携而歸者隣境懷之江夏功曹趙濯弋陽備將裴生及夷王梅願等竝帥支黨來附遜傾財帛周贍經恤

孫皎為征虜將軍督夏口皎嘗遣兵候獲魏邊將史羨

欽定四庫全書

魏書
卷三十九

六

女以進皎更其衣服送還之下令曰今所欲誅者曹氏其百姓何罪自今已往不得擊其老弱由是江淮間多歸附之

魯肅代周瑜鎮江陵後下屯陸口威恩大行衆增萬餘人拜漢昌太守偏將軍

呂蒙為左護軍虎威將軍襲蜀軍于南郡蒙入據城盡得蜀中之將士家屬皆撫慰令軍中不得干歷人家蒙旦暮使親近存恤耆老問所不足疾病給醫藥飢寒者

賜衣糧凡府藏財寶皆封閉以待大帝至蜀軍在道路數使人與蒙相聞蒙輒厚其使周遊城中家家致問或手書示信蜀使還私相泰詢咸知家門無恙見待過於平時故蜀吏士無鬪心會權尋至蒙自知孤窮乃走麥城西至漳鄉人皆委蜀而降荊州遂定

晉羊祜鎮荊州增修德信以懷柔初附慨然有吞併之心每遇吳人交兵起日方戰不為掩襲之計將帥有欲進謫詐之策者輒飲以醇酒使不得言人有略吳二兒

欽定四庫全書

魏書
卷三十九

七

為俘者祜遣送還其家後吳將夏詳邵顏等來降二兒之父亦率屬與俱吳將陳尚潘景來寇祜追斬之羨其死節而厚加殯殮景尚子弟迎喪祜以禮遣還吳將鄧香掠夏口祜募生縛香既至宥之香感其恩率部曲而降祜出軍行吳境川穀為糧皆計所侵送絹償之每會衆江沔將獵常止晉地若禽獸先為吳人所傷而為晉所得者皆封還之

杜預為征南大將軍荆土肅然吳人赴者如歸矣

張華為都督幽州諸軍事領護烏桓校尉安北將軍華撫納新舊戎夏懷之東夷馬韓星彌諸國依山帶海去州四千餘里歷世未附二十餘國并遣使朝貢於是遠夷賓服四境無虞

王渾為安東將軍鎮壽陽渾不高刑名處斷明允時吳人新附頗懷畏懼渾撫循羈旅虛懷綏納座無空席門不停賓於是江東之士無不悅附

周浚為折衝將軍揚州刺史移鎮秣陵時吳初平屢有

欽定四庫全書

周浚元龜卷三十九

一

逃亡者頻討平之賓禮故老搜求俊乂甚有威德吳人悅服

劉琨為并州刺史時東瀛公騰自晉陽鎮鄆井土饑荒百姓隨騰南下餘戶不滿二萬寇賊縱橫道路斷塞琨募得千餘人轉關至晉陽府寺焚毀僵屍滿地其有存者飢羸無復人色荆棘成林豺狼滿道琨剪除荆棘收芟枯骸造府朝廷市獄寇盜至來掩襲常以城門為戰場百姓負盾以耕屬鞭而耨琨撫循勞徠甚得物性在

官未終流人稍復鷄犬之音復相接矣士奔進者多歸於琨琨善於懷撫而短於控御一日之中雖歸者數千去者亦相繼起期與琨盧討劉聰盧父子相圖盧及兒子振皆病死徒屬四散琨子遵先質於盧眾皆附之及是遵與其澹等率盧眾三萬人牛馬羊十萬悉眾歸琨琨由是復振率眾百騎自平城撫納之

祖逖為奮威將軍討樊雅陳川遣將李頭率眾援之力戰有勲逖時獲雅駿馬頭甚欲之而不敢言逖知其意

欽定四庫全書

周浚元龜卷三十九

九

遂與之頭感逖恩遇每嘆曰若得此人為主吾死無恨川聞而怒遂殺頭頭親黨馮龍率其屬數百人歸於逖後鎮雍丘數遣軍受截石勒勒屯戎漸感候騎嘗獲潁陽人逃厚待遣歸咸感逖恩德率鄉里五百家降逖勒又遣精騎萬人距逖復為逖所破勒鎮戍歸附者甚多時趙固上官已李矩郭默等各以詐力相攻擊逖馳使和解之示以禍福遂受逖節度逖愛人下士雖踈交賤隸皆恩禮遇之由是黃河已南盡為晉土河上堡固先

有任子在胡者皆聽兩屬時遣將軍偽抄之明其未附諸
塲主感戴胡中有異密以聞前後剋獲亦由此也

荀美監青州諸軍事領兗州刺史先是石季龍死胡中
大亂美撫納降附甚得衆心

魏浚為武威太守以亂不之官及雒陽陷必于雒北石
梁瑁撫養遺衆漸修軍器其附賊者皆先解喻說大晉
運數靈長行已建立歸之者甚衆其有特遠不從命者
遣將討之服從而已不加侵暴於是遠近感悅極負至
者甚衆

欽定四庫全書

魏府元龜
卷三百九十七

十

應詹為南平太守都督平天門武陵軍事天門武陵谿
蠻並反詹討降之時政令不一諸蠻怨望并謀背叛詹
召蠻酋破銅券與盟由是懷詹數郡無虞其後天下大
亂詹境獨全百姓歌之又為平南將軍江州刺史時王
敦新平人情未安詹撫而懷之莫不得其歡心百姓賴
之

陶侃為龍鎮將軍武昌太守時天下饑荒亡者歸之益

路侃竭資賑給焉

桓宣為平北將軍鎮襄陽宣久在襄陽綏撫僑寓甚有
稱績又監沔中軍事南中郎將江夏相石勒荊州刺史
郭敬戍襄陽陶侃使其子平西參軍斌與宣俱攻樊城拔
之竟陵太平李陽又破新野敬懼遁走宣與陽遂平襄
陽侃委宣鎮之以其淮南部曲立義成郡宣招懷初附
桓伊都督豫州諸軍事西中郎將豫州刺史在州十年
綏撫蓋雜甚得物情桓士卒遷都督江州荊州十郡豫

欽定四庫全書

魏府元龜
卷三百九十七

十

州四郡軍事江州刺史將軍如故假節伊釗鎮以邊境
無虞宜以寬卹為務乃上疏以江州虛耗加連歲不登
今餘戶有五萬六千宜并合小縣除諸郡通米移州還
鎮豫章詔令移州尋陽其餘皆聽之伊隨宜拯撫百姓
賴焉

褚翼為豫州司馬督司州軍事太傅參軍王玄代翼為
郡時梁國部曲將耿奴甚得人情而專勢翼常優遇之
玄為政既急翼知其不能容奴因謂曰卿威殺已多而

人情難一宜深慎之玄納裴言外羈縻奴而內懷憤
及遷為陳留將發乃收奴斬之餘黨聚眾殺玄梁郡既
有內難而徐州賊張平等欲掩襲之郡人惶惑將以郡
歸平荀組遣往撫之眾心乃定

都恢督梁秦雍司荆揚并等州諸軍事建威將軍雍州
刺史假節鎮襄陽恢甚得關隴之和降附者動有千計
瑯琊武王伯起家為寧朔將軍監守鄴城有綏懷之稱
宋柳元景為建威將軍北伐斬魏將張是提又斬三千

欽定四庫全書

魏書卷三十九

餘級面縛軍門者二千餘人元景輕騎晨至魏兵之面
縛者多河內人元景詰之曰汝等怨王澤不接請命無
所今并為魏盡力便是本無善心順附者存恤從惡者
誅滅欲知王師正如此也眾皆曰虐虜見驅後出赤族
以騎蹙步未戰先死此將軍所親見非敢背中國也諸
將欲盡殺之元景以為不可曰今王旗北掃當令仁聲
先路乃悉釋而遣之家在關裏者符守關諸軍聽出皆稱
萬歲而去

檀道濟為冠軍將軍武帝北征道濟為前鋒至維陽凡
拔城破壘俘四千餘人議者謂應悉戮為京觀道濟曰
伐罪弔人正在今日皆釋而遣之於是戎夷感悅相率
歸之者甚眾

梁孫謙宋明帝泰始初事建安王休仁休仁以為司徒
參軍言之明帝擢為明威將軍已東建平二郡太守居
三峽常以威力鎮之謙將建職勅募千人自隨謙曰蠻夷不
賓蓋待之失節耳何煩兵役以為國費固辭不受至郡

欽定四庫全書

魏書卷三十九

布恩惠之化蠻獠懷之競餉金寶謙慰喻而一無所納
及掠得生口皆放還家俸秩出吏民者悉原除之郡境
翕然威信大著視事三年徵還為撫軍中兵秦軍
徐文盛武帝大同末為持節督寧州刺史先是州在僻
遠所官羣蠻不識教義貪欲財賄劫奪相尋前後刺史
莫能制文盛推心撫慰示以威德夷獠感之風俗遂改
張興世為將軍北伐次下邳鄒令嚴明所至獨剋
下邳人多有欲來降惠紹曰我若得城諸卿皆是國人

若不能破賊徒令公等失鄉非朝廷弔人本意也今且

安堵復業勿妄自辛苦降人感悅

陳沈恪宣帝時都督廣衡東衡交越成新合羅愛德宜黃利安石雙等州諸軍事鎮南將軍平越中郎將廣州刺史恪未至鎮前刺史歐陽統舉兵拒險恪不得進朝廷遣司空章昭達督衆軍討統統平乃入州州惟兵荒所在殘毀恪綏懷安輯被以恩惠嶺表賴之

裴忌以大建五年為都官尚書吳明徹督諸軍北伐詔

欽定四庫全書

卷三百九十七

忌以本官監明徹軍淮南平授軍師將軍豫州刺史忌

善於綏撫甚得民和

後魏寇讚初為後秦襄邑令姚泓滅秦雍人千有餘家推讚為主歸順拜綏遠將軍魏郡太守其後秦雍之民來奔河南滎陽河內戶至萬數拜讚安遠將軍南雍州刺史軹縣侯治於雒陽立雍州之郡縣以撫之白是流民襁負自遠而至三倍於前

于栗磾明元時為鎮遠將軍河內鎮將撫導新邦甚有

威惠

刁雍為鎮東將軍與叔孫建攻青州建先攻東陽雍至招集義衆得五千人遣撫慰郡縣土人盡下送租供軍又詔令南入以亂賊境雍攻克項城會有勅追令隨機立効雍於是招集譙梁彭沛民五千餘家置二十七營遷鎮濟陰

東平王翰初封秦王太武時鎮枹罕以信惠撫衆羌戎

敬服改封東平王

欽定四庫全書

卷三百九十七

陸侯轉都督雍二州諸軍事虎牢鎮大將平涼休屠金崖羌狄子玉等叛復轉為使持節散騎常侍平西將軍安定鎮大將既至懷柔羌戎莫不歸附

盧度世為假節鎮遠將軍齊州刺史州接邊境將士數

相侵掠度世乃禁勒所統還其俘虜二境以寧

趙逸為寧朔將軍赤城鎮將綏和荒服十有餘年百姓

安之

叔孫建為平原鎮大將征南大將軍在平原十餘年綏

懷內外甚得邊稱

陸真文成時為安西將軍長安鎮將東平王道符反于長安殺雍州刺史魚玄明關中草草以真為長安鎮將賜爵河南公長安兵民素服威信真到撫慰之皆怡然安靜

尉撥為晉昌鎮將綏懷邊民甚著稱績後為杏城鎮將在任九年大牧民和山民一千餘家上郡徒各廬水胡八百餘落盡附為民

欽定四庫全書

通鑑卷三百九十七

王斤為平北將軍時并州胡苗田卜謀反誅餘眾不安遣斤鎮虎威以撫慰之斤綏靜胡醜甚牧聲稱

李洪之獻文時為內都大官河西羌胡鎮部落反叛獻文親征命洪之與侍中東郡王陸定總統諸軍興駕至并州詔洪之為河西都將討山胡山胡皆保險拒戰洪之築壘於石樓南白鷄原以對之諸將悉欲進攻洪之乃開以大信聽其復業胡人遂降獻文嘉之還并尚書外都大官

李崇為鎮西大將軍孝文時已夷擾動詔崇以本將軍

為荊州刺史鎮上洛勅發陝秦二州兵送崇至治崇辭曰邊人失和本怨刺史奉詔代之自然易帖但須一宣詔旨而已不勞發兵自防使懷懼也孝文從之乃輕發數十騎直到上洛宣詔綏慰當即帖然尋勅邊戍掠得南齊人者悉令還之南人感德仍送荊州之口二百許人兩境交和無復烽燧之警在治四年甚有稱績召還京師賞賜隆厚

欽定四庫全書

通鑑卷三百九十七

莫雲為鎮西大將軍時初平河西人心未一雲撫慰新舊計得其所

杜纂除積等將軍領眾詣淮迎降民楊廂等脩立楚鎮招納山蠻李天保等五百戶

李輔為鎮遠將軍潁川太守帶長社戍輔懷托集甚得邊和任城王澄為征南大將軍都督梁益荆三州諸軍事梁州氏帥楊仲顯婆羅楊卜兄弟及符叱盤等自以居邊地險世為山牧澄至州量彼風俗誘導懷附表

送婆羅授仲顯循城鎮副將楊卜為廣業太守叱盤

固道鎮副將自餘首帥各隨才而用之附者賞違命者加誅於是仇池帖然西南款順

廬洲為京兆王愉徐州刺史南徐州長史沈陵殺將佐勒宿預之衆逃叛陵在邊歷年結構既廣二州人情咸相煽惑陵之餘黨頗見執送淵皆撫而赦之唯歸罪於陵由是衆稍安

崔敬邕為龍驤將軍官州刺史庫莫奚國有馬百匹因

欽定四庫全書

魏府元龜
卷三百九十七

十八

風入境敬邕悉令送還於是夷人感附

韓均為冀州刺史都督定冀相三州諸軍事均親身率下明為耳目廣設方略禁斷姦邪於是趙郡屠谷西山丁零聚黨山澤以刻害為業者均皆誘慰追捕遠近震

跼先是河內未賓民多去就均撫懷之民咸受優復

皮喜為侍中都督秦雍荆梁益五州諸軍事開府仇池鎮將以其父豹子昔鎮仇池有威信故也喜至深恩布惠民夷大悅酋帥強好子等各率戶歸附於是置廣業

固道二郡以居之

傅豎眼宣武時為建威將軍討揚州賊破之仍鎮於合肥齊民歸之者千戶又詔假節行南兖州事豎眼善於綏撫南人多歸之又為益州刺史進號冠軍將軍撫蜀人以恩信為本保境安民不以小利侵竊有掠數民入境者移送還本檢勒部下守宰肅然遠近雜夷相率款謁仰其德化思為魏民失是以蜀民請軍者旬月相繼宣武甚嘉之

欽定四庫全書

魏府元龜
卷三百九十七

十九

李紹為撫軍西道都督行秦州事時隴右新經師旅之後百姓多不安業紹善撫納甚得夷夏之心

彭城王勰為司徒領揚州刺史既定壽春進位大司馬獲南齊汝陰太守王果豫州治中庾稷等數人勰傾心禮之常參坐席果承問進曰果等契濶生平皓首播越顧瞻西夕餘光幾何今遭聖化正應力茲愚老申展尺寸但在南百口生死分張乞還江外以申德澤勰矜而許之果又謝曰殿下賜處有過國士果等令還仰負慈

澤請聽仁駕振旅反跡江外至此乃還其為遠人所懷如此

王肅為散騎常侍都督淮南諸軍事揚州刺史肅頻在邊悉心撫接遠近歸懷附者若市以誠綏納咸得其心安豐王猛子延明孝明時為尚書右僕射元法僧反詔為東道行臺徐州大都督節度諸軍事與都督臨淮王或尚書李憲等討法僧梁武帝遣其豫章王綜鎮徐州延明先牧徐方甚得人譽招懷舊土遠近歸之

欽定四庫全書

卷三百九十七

十一

爾朱天光孝莊時為鎮東將軍初元顥入雒天光與天穆會爾朱榮於河內榮發之後并肆不安詔天光以本官兼尚書僕射為并肆雲恒朔燕蔚顯汾九州行臺仍行并州以安靜之天光至并州部分約勒所在寧輯顥破尋還京師

北齊盧潛為揚州道行臺左丞與陳隣接潛輯詣内外甚得邊俗之和又為揚州刺史領行臺尚書潛在淮南十三年任總軍民顯祖初平淮南給十年優復平滿之

後逮後主天統永平中徵稅煩雜高文海執政斷漁獵人家無以自資諸商胡負官責息者宦者陳德信縱其妄注淮南富家令州縣徵責又勅送突厥馬數千匹於揚州管内令土豪貴買之錢直始入便出勅括江淮間馬并送至官廐由是百姓搔擾切齒嗟怨潛隨事撫慰兼行權政故得寧靜

辛術為東徐州刺史為淮南經畧顯祖天保元年侯景徵江西租稅術率諸軍渡淮斷之還鎮下邳人隨術北

欽定四庫全書

卷三百九十七

十一

渡淮者三千餘家及王僧辯破侯景術招攜安撫城鎮相繼款附前後來二十餘州

斛律羨為幽安平南北營東燕六州都督突厥來寇州境羨禦之望見軍威不敢戰來款附慮其有詐且喻之曰爾輩此行本非朝貢見機始變未是宿心若有誠實宜速歸巢穴別遣使來於是退走後主天統初突厥木汗遣使請朝獻羨始以聞自是朝貢歲時不絕羨有力焉後周韋旭後魏永安二年拜右將軍南幽州刺史時氏

賊數為抄竊，旭隨機招撫，並即歸附。

李賢初為西魏原州刺史，賢雖少從戎旅，而頗閑政事，撫導鄉里，甚得民和。文帝大統十二年，隨獨孤信征涼州，平之又撫慰張掖等五郡而還。

宇文測為大都督行汾州事，政存簡惠，頗得民和。地接東魏，數相抄竊，或有獲其為寇者，多縛送之。測皆命解縛，置之賓館，然後引與相見，如客禮焉。設酒般宴，勞放還其國，并給糧餼，衛送出境。自是東魏大慙，乃不為寇。

欽定四庫全書

周書卷三十九

三

汾晉之間，各安其業，兩界之民遂通，慶弔不復為仇讐言矣。時論稱之，比於羊叔子。

赫連達初從賀拔岳西征，為都督及岳為侯莫陳悅所害，達馳詣太祖。太祖引軍向高平，令達率騎據彈箠峽。時百姓惶懼，多奔散者，有數村民方扶老弱驅畜牧，欲入山避難。軍士爭欲掠之，達曰：「遠近民黎多受制于賊，今若值便掠縛，何謂伐罪弔民？不如因而撫之，以示義師之德。」乃撫以恩信，民皆悅附。於是迭相曉語，咸復舊

業。太祖聞而嘉之。

尉遲迥既平蜀，為都督益等十州諸軍事，益州刺史自劍閣以南得承制刺拜及燕陟，迥乃明賞罰，布德威，綏輯新邦，綆畧未附夷夏懷而歸焉。

侯莫陳頴為開府儀同三司，從滕王追擊龍泉文城叛胡，頴與柱國竇瑊勅分路而進，頴懸軍五百餘里，破其三柵。先是，稽胡叛亂，輒略邊人為奴，至是詔胡有厭匿良人者，誅籍沒其妻子。有人言為胡村所隱匿者，勅將

欽定四庫全書

周書卷三十九

三

斬之。頴曰：「將在外，君命有所不行。」諸胡固非悉反，但相逼脅為亂，今撫慰之，自可不戰而定。如即誅之，轉相驚恐，為難不細。未若召其渠帥以隱匿者附之，令自歸首，則羣胡可安，勅從之。諸胡爭附北土以安。

楊敷孝閔，帝時為使持節、蒙州諸軍事、刺史。先是，蠻左等多受齊僞者，數為亂逆，敷推誠布信，隨方撫慰。蠻左等感之，相率歸附，敷乃送首帥四十餘人赴闕，請因齊所假而授之，諸蠻等愈更感悅。州境獲寧。

司馬裔自孝閔踐祚為驃騎大將軍後為御正中大夫
及大軍東討與少卿楊標守乾闥即授懷州刺史武帝
天和初隨上庸公陸騰討信州反蠻令賢等裔自開州
道入先遣使宣示禍福羣蠻率服

齊王憲討北齊任城王湓廣憲王孝衍於信都憲至信
都登張耳冢以望俄而湓領軍尉相顧偽出戰略陣遂
以衆降相顧湓之腹心也衆駭因破之擒湓及孝衍憲
謂湓曰任城王何苦至此湓曰下官神武帝子兄弟十

欽定四庫全書

隋書卷三十九

三

五幸而獨存逢宗社顛覆今日得死無愧墳陵憲壯之
命歸其妻子厚加資給又問孝衍孝衍自陳國難辭淚
俱發俯仰有節憲亦為之改容

韋世康自武帝平齊授司馬總管長史時東夏初定百
姓未安世康綏撫之士庶胥附

楊雄為通雒防主雄處疆場務在保境息民接待敵人
必推誠仗信齊雒州刺史獨孤求業深相欽尚移書稱

美之

楊忠為大將軍再舉盡定漢中之地寬以御衆甚得新
附之心

隋虞慶則初仕後周為并州總管長史時稽胡數為反
叛越王盛御史下大夫高顥討平之將班師顥等咸謀
誣文武幹畧者鎮遏之表請慶則於是即拜石州總管
甚有威惠境內清肅稽胡慕義而歸者八千餘戶

高顥為左軍大將軍蕭巖之叛也詔顥綏集江漢甚得民
和

欽定四庫全書

隋書卷三十九

三

韋冲開皇初為開府時發南汾胡千餘州人北築長城
在塗皆亡高祖呼冲問計冲曰夷狄之性易為反覆皆
由牧宰不稱之所致也臣謂以禮綏靜可不勞兵而定
帝然之命冲綏懷叛者月餘皆至并赴長城下書勞勉
之尋拜石州刺史甚得諸胡歡心後為營州總管冲容
貌都雅寬厚得衆心撫輯羯契丹皆能致其死力奚霫
畏懼朝貢相續開皇中為南寧州總管持節撫慰冲既
至南寧帥蠻震及西蠻首領皆詣府參謁帝大悅下詔